

AUGLÝSING

um starfsleyfi fyrir Síldarvinnsluna hf., Neskaupstað, til að framleiða fiskimjöl og lýsi úr bræðslufiski og fiskúrgangi.

1. Almenn ákvæði.

- 1.1. Verksmiðjunni er heimilt að framleiða fiskimjöl og lýsi úr bræðslufiski og fiskúrgangi sem nemur u. þ. b. 800 tonna hámarksafköstum á sólarhring.
- 1.2. Verksmiðjunni er skylt að sjá um, að á öllu athafnasvæði verksmiðjunnar sé gætt fyllsta hreinlætis. Svæðið skal lagt bundnu slitlagi eftir því sem þurfa þykir að mati heilbrigðisnefndar Neskaupstaðar. Verksmiðjunni ber að halda útliti sínu og umhverfi snyrtilegu.
- 1.3. Verksmiðjunni er skylt að ganga þannig frá byggingum og haga allri starfsemi svo, að hætta á gerlamengun í mjóli verði sem minnst. Skal um það haft samráð við Rannsóknastofnun fiskiðnaðarins.
- 1.4. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.5. Óski verksmiðjan eftir því að gera umtalsverðar breytingar á rekstri eða stækka verksmiðjuna, skal greina Mengunarvörnum Hollustuverndar ríkisins og heilbrigðisnefnd Neskaupstaðar skriflega frá því.
- 1.6. Mengunarvarnir Hollustuverndar ríkisins geta, að höfðu samráði við umsagnaradila, lagt til við heilbrigðis- og tryggingamálaráðherra að starfsleyfið verði endurskoðað, ef í ljós koma skaðleg áhrif á umhverfið sem ekki voru ljós fyrir. Sama gildir ef almennar kröfur, ráð og tæki koma til aukinna mengunarvarna.

2. Varnir gegn mengun ytra umhverfis.

- 2.1. Við löndun á hráefni skal nota þurrðælingu, en að öðrum kosti endurnýta löndunarvatn eins oft og mögulegt er. Allt löndunarvatn skal tekið til vinnslu í verksmiðju.
- 2.2. Verksmiðjunni er skylt að taka við og nýta skolvatn frá fyrstu skolun fiskiskipa eftir löndun. Skolvatninu skal halda í lágmarki t. d. með notkun háþrýstidælu. Aldrei skal nota meira vatn en sem nemur 10 l vatns fyrir hvert tonn af hráefni sem landað er.
- 2.3. Til flutnings á hráefni skulu einungis notuð vökvaheld flutningatæki, viðurkennd af heilbrigðisnefnd Neskaupstaðar.
- 2.4. Allt hráefni skal geymt í yfirbyggðum þróm eða geymum. Hráefnisgeymslur skulu vera þéttar og skal allt blöðvatn og annar vökvi frá hráefni tekinn til vinnslu. Strax og hráefnisgeymsla hefur verið tæmd skal skola hana með vatni. Fyrsta skolvatni skal halda í lágmarki, t. d. með háþrýstidælum, og það fekið til vinnslu í verksmiðju.

- 2.5. Tæming hráefnisgeymsla skal vera sem mest sjálfvirk. Reynist nauðsynlegt að nota moksturstaeki, skal þrifa þau vel að verki loknu.
- 2.6. Fiskúrgang skal að jafnaði ekki geyma lengur en fjóra sólarhringa áður en hann er tekinn til vinnslu. Hafi hitastig verið undir 4°C meðan á geymslu stóð er heimilt að geyma úrgang í allt að eina viku. Heilbrigðisnefnd Neskaupstaðar getur veitt undanþágu frá þessari kröfu ef ástæða þykir til.
- 2.7. Við fötvörn bræðslufisks skal nota viðurkenndan blöndunarbúnað. Um styrk og meðferð rotvarnarefna fer samkvæmt reglugerð um notkun rotvarnarefna til geymslu á bræðslufiski, eins og hún er hverju sinni.
- 2.8. Loftræsta skal frá verulegum lyktaruppsprettum í verksmiðju og ræstiloftið flutt til lyktaeyðingar. Loftræsting skal hönnuð á þann hátt, að sem minnst af ómengdu lofti sé dregið með.
- 2.9. Loft frá þurrkara skal leiða í gegnum rykskiljur með góða skiljunarhæfni og síðan til lyktaeyðingar.
- 2.10. Lyktaeyðing skal framkvæmd með þvotta- og þéttiturni sem kælir útblásturinn niður í a. m. k. 20°C eða með brennslu lyktarefnanna. Lyktaeyðing skal þá vera jafngóð og eftir hitun í lofti í 700°C í 1/3 úr sekúndu. Við hönnun lyktaeyðingarbúnaðarinnar skal fullt tillit taka til orkuendurvinnslusjónarmiða.
- 2.11. Innan eins árs frá því að lofthreinsibúnaðurinn er tekinn í notkun skal fara fram athugun á hæfni hans í samráði við Mengunarvarnir Hollustuverndar ríkisins. Niðurstöður þeirrar athugunar skal hafa til viðmiðunar varðandi kröfur um viðbótarhreinsun og/eða enn frekari dreifingu útblásturslofts frá verksmiðjunni.
- 2.12. Soðkjarnatæki skulu útbúin fullkomnum dropagildrum. Fylgjast skal vel með því að soðtæki séu ekki ofhlaðin. Allt soðvatn skal nýta.
- 2.13. Framkvæma skal hreinsun á tækjabúnaði og mannvirkjum þannig að hreinsivökvanum sé safnað saman og hann endurnýttur eins oft og hægt er. Þegar hreinsivökvanum er veitt til sjávar, skal sýrustig (pH) frárennslisstrauma vera á bilinu 5 til 10.
- 2.14. Frárennslu úr hráefnisþróum og innan úr verksmiðju skal tengjast í fitugildru og þaðan ásamt öðru frárennslu leitt niður fyrir stórstraumsfjöruborð. Fitugildru skal hreinsa eins oft og nauðsyn krefur. Fitu sem safnast fyrir skal nýta ef kostur er, en annars farga ásamt öðrum úrgangi á viðurkenndan hátt að mati heilbrigðisnefndar Neskaupstaðar.
Fiskimjölverksmiðjan skal hafa samráð við Mengunarvarnir Hollustuverndar ríkisins um stærð og gerð fitugildru.
- 2.15. Framkvæma skal reglulega athugun á lífrænum efnum í frárennslu. Skal það gert í samráði við Mengunarvarnir Hollustuverndar ríkisins. Niðurstöður skulu hafðar til hliðsjónar varðandi kröfur um hreinsibúnað á frárennslu.
- 2.16. Frárennslu frá snyrtingum skal leiða í rotþró eða frá því gengið með öðrum viðurkenndum hætti að mati heilbrigðisnefndar Neskaupstaðar.
- 2.17. Lýsisgeymar skulu vera í lýsisheldri þró að rúmtaki minnst 20% af rúmtaki stærsta geymisins í þrónni. Lokunarbúnaður skal vera af viðurkenndri gerð og þannig staðsettur að ekki sé hætt á því að hann verði fyrir hnjaski. Einn loki skal staðsettur innan þróar.
- 2.18. Um frágang olíugeyma og varnir gegn mengun af völdum olíu fer samkvæmt heilbrigðisreglugerð nr. 45/1972 og reglum nr. 560/1982 um varnir gegn olíumengun sjávar við olíubirgðastöðvar.
- 2.19. Verksmiðjan skal sjá um, að mengunarvarnabúnaður sé ávallt í sem fullkomnustu lagi. Skal hafa reglulegt eftirlit með búnaði og ástandi hráefnis hverju sinni.

Niðurstöður og athuganir skal skrá niður í sérstaka dagbók og skal fulltrúum Mengunarvarna Hollustuverndar ríkisins og heilbrigðisnefndar Neskaupstaðar heimill aðgangur að þeim hvenær sem er.

3. Gildistaka.

- 3.1. Starfsleyfi þetta sem veitt er í samræmi við 5. grein reglugerðar nr. 390/1985, um starfsleyfi fyrir atvinnurekstur, sem getur haft í för með sér mengun, sem sett er með stöð í 3. gr. laga nr. 109/1984, um hollustuhætti og heilbrigðiseftirlit öðlast gildi þegar í stað.

4. Ákvæði til bráðabirgða.

- 4.1. Byggingu fitugildru á frárennsli skv. gr. 2.14. skal lokið innan þriggja mánaða frá útgáfu þessa starfsleyfis.
- 4.2. Ákvörðun og áætlanir um lofthreinsibúnað og fjárhagsáætlun vegna þeirra framkvæmda skulu liggja fyrir 1. janúar 1987.
- 4.3. Lofthreinsibúnaður skal taka til starfa innan tveggja ára frá útgáfu þessa starfsleyfis.
- 4.4. Bundið slitlag skal lagt umhverfis verksmiðjuna fyrir 1. júní 1987.

Heilbrigðis- og tryggingamálaráðuneytið, 16. júní 1986.

Ragnhildur Helgadóttir.

Ingimar Sigurðsson.

AUGLÝSING

um náttúruvætti.

Samkvæmt heimild í 22. gr. laga nr. 47/1971 um náttúruvernd hefur Náttúruverndarráð fyrir sitt leyti ákveðið að friðlýsa sem náttúruvætti Dynjandi og aðra fossa í Dynjandisá í Arnarfirði ásamt umhverfi þeirra við Dynjandisvog.

Mörk náttúruvættisins eru: Frá odda Meðalness upp í fjallseggjar og með fjallsbrúnum umhverfis voginn og Dynjandisdal allt að mörkum jarðarinnar Dynjandi í Urðarhlíð og með þeim til sjávar í Deild. Þaðan með sjávarströnd að Meðalnesi.

Þessar reglur gilda um svæðið:

1. Í friðuninni felst að ekki má skerða vatnsrennsli til fossanna. Gildir þetta einnig utan hins friðlýsta svæðis, að Stóra Eyjavatni og aðrennslissvæði þess undanskildu. Um hugsanlega vatnsmiðlun þar er skylt að hafa samráð við Náttúruverndarráð.
2. Mannvirkjagerð og jarðrask, svo og aðrar breytingar á landi eru háðar leyfi Náttúruverndarráðs.
3. Stefnt skal að verndun kjarrendis á hinu friðlýsta svæði. Náttúruverndarráð getur sett nánari reglur um gróðurvernd þar.
4. Umferð um hið friðlýsta svæði er öllum heimil, enda sé góðrar umgengni gætt. Akstur er óheimill utan vegar. Náttúruverndarráð getur sett nánari reglur um aðgang almennings að svæðinu og dvöl þar.

Til undanþágu frá reglum þessum þarf leyfi Náttúruverndarráðs eða þess sem fer með umboð ráðsins.

Endurprentað blað.